

樂天却病詩

歷史觀

卷七

天養館出版

上海图书馆藏书



A541 212 0011 8922B

# 樂天却病詩目錄

天養館叢書甲部之五

下邳劉仁航靈華吟

## 歷史觀卷六 共十八首

姓名爵號葬諡之僞害

咏史六首

一總詠 二諸葛亮 三穆罕默德 四發明家 五探險家 六大同哲學家

史遷屈原

志士各殊趣

驥尾千古名

知音難

掛劍臺二首

尾生

彭城懷古

其二

乞丐興學之偉人武訓

關帝教之精神

# 樂天却病詩

天養館叢書甲部之五

下邳劉仁航靈華吟

## 歷史觀卷六

姓名爵號葬諡之僞害

佛妙契真空。道妙在無名。三皇何玄穆。不聞仁義聲。墨子述五帝。道葬無墳塋。堯舜單名創。三代家統成。生炫五等爵。死後僞諡旌。封樹本非古。謚法衰周生。孔子曰、謚、周道也、奏壽刻墓誌。苦增朽骨榮。效尤人相食。男女輟織耕。盜淫呂雉尸。赤眉掘漢陵。死者若有知。靈界礙超升。蘇克雷地言之、死

者若無知。寒灰竟何憑？<sup>？</sup>達哉佛老耶。魂游彼岸登。鳥葬行蒙古。火葬出胡僧。次論生物學。哺乳何足矜。動物三十萬。同一蟲飛薨。假名僞可笑。沐猴戲場登。試聽羣鳥謳。逍遙青雲層。自在顯真我。所至得良朋。

咏史六首

讀左太冲八首尙覺其雖多而渾少故作此乃宣統間作也刪去兩首存其六

一

青盤磨日月。長勺運春秋。風雷鼓萬籟。江海晝夜流。神靈實首出。百載茲一週。俯仰窺文理。往來數索邱。得情同號笑。離類乖與求。六龍駕宏輓。匪關海上漚。清言見古哲。寤寐時相投。舉觴望停雲。同上百尺樓。

二 諸葛亮

鳳皇翔丹霄。聞韶來萬里。思女重恩情。君子報知己。矯矯諸葛公。仙骨

出雲水。天人抱絕學。一掣春烟紫。感激三顧恩。馳驅八陣壘。爭蠻幾死生。化蜀留仁美。至今渡襄江。殷殷雲雷起。

三 實力宗教家穆罕默德

穆默販沙漠。逐駝字不識。廿五贅嫠女。四十握玄極。三年得三人。和愛耐凌逼。五十新教成。柔性變剛克。回教初時用默禱內工、極柔順、受侮不還報、將遇屠殺、乃逃亡、一變為剛性者、

左經右持劍。大地忽異色。稱天振木鐸。躍馬掃南北。混一三洲土。宗教啓霸國。耶徒憤東征。百年淚沾臆。耶終不咄哉一怪物。恣汝垂天翼。

四 發明家

藝術新花開。風雲蒼狗變。華德 Walt 翻江海。福林 Franklin 掣飛電。鏡攝山河影。月窺嫦娥面。洩盡陰陽秘。應嘆神工賤。那知發明苦耿耿。

金百鍊。美哉明德遠！食貨生民便。天際羣鳶游。仰看羣龍戰。

五 探險家

昭昭青天日。皎皎滄海月。赤帝馭中原。尉陀王南粵。徐市童男女。蓬島  
晞綠髮。大洋森浩渺。哥倫闢金闕。麥郎 Magellan 何天矯。周航騰健  
鶻。此都世界傑。文花促新發。爭雄方罨外。龍蛇共出沒。雪泥爪痕留。飛  
鴻去飄忽。

六 大同哲學家

青蛹化蝴蝶。孰識幻與真。邈矣先覺士。慧業通天人。挹彼上池水。滌茲  
下土塵。素手伏龍虎。斡轉風會新。上住華嚴界。次依平等仁。慈航渡苦  
海。既濟衆妙津。園秀九莖芝。苑游五色麟。長壽無量福。六宮都是春。



史遷屈原

大患有身。天命靡常。矧與人國。云胡不傷。吁嗟屈馬。行潔志芳。遭刑見放。寶鬱彌光。或奮史筆。帝霸侯王。賢奸游俠。生戮死揚。或吟楚騷。蘭桂幽香。雨師風伯。神鬼張皇。龍門浪激。洞庭木黃。問天莫補。反恨何方。我入三昧。遍禮空王。改造大同。世界康莊。衆苦解脫。極樂未央。

士志各殊趣

堯舜耀山龍。翁堵爲賓主。洗耳飲清流。牽犢有巢父。伯成子高辭封土。卞隨將務光。不屑商履侮。姬發富四海。夷齊捫餓肚。狂裔華士賢。竟膏姜尙斧。管蔡相武庚。恢復用心苦。姬旦戮同胞。禮樂王東魯。驪姬報國仇。晉室釀亂府。范蠡沼吳宮。扁舟玩烟雨。子房旣報韓。赤松

訪仙姥。叔孫制朝儀。二生甘朽腐。劉秀帝座尊。嚴陵釣南浦。士志各殊趣。未可一例數。有如花木性。四季自分組。滌草盛夏枯。臘梅映雪吐。撥亂造人格。當飲獅子乳。

驥尾千古名

嚴武禮杜甫。驥尾千古名。汪倫延太白。潭水寄深情。汪因有太白四句詩，遂不朽，人可不識人與？穎士奴杜亮。愛才竭忠誠。文國永不滅。百世氣猶生。

知音難

世尊得文殊。威神統四衆。耶穌有保羅。希臘羅馬動。玄德結臥龍。風雲恣縱送。摩西將亞命。新國立梁棟。馬克司恩格爾。Max Engels (馬克司之資本論共三卷、馬氏只作一卷、餘均成于恩格爾之手、馬氏生平得錢財與著作之助均恩之力也)狼狽依伯仲。克司 Kessler 傳克魯。

互助鳴丹鳳。克司雷俄國動物學家、于一八八十年初駁達氏學說、以其稿交魯克氏、數月即死、後克氏演爲互助論、羅素勃拉克。

Russel. (羅與勃女士來華講廢家國之學、人多呼勃爲其夫人、實則勃乃其黨員、因難不主有家也、)自由警亞夢。孔子喪顏回。

流涕呼速朽。劉邦亡蕭何。如失左右手。舜無二女知。號天老南畝。相如

無文君。高文但覆瓿。穆默無凱地。其妻初爲寡婦、傭工穆爲其司賬人窮白首。大哉知

己恩。關係亞父母。身心性命業。因緣良非偶。聖哲豪傑士。端賴有先後。

苦逢肉眼輩。對面隔箕斗。哀哀鍾子期。碎琴復何有。

### 掛劍臺

在徐州南關外。

季札泰伯流。讓國志躬耕。歷聘交俊彥。聞樂識虛盈。寶劍贈知己。此意已目成。詎料上國返。徐君在新塋。黃泉雖異路。心諾踐前盟。掛劍塚樹

上。萬古仰高情。我登掛劍臺。荒涼蔓草縈。流涕弔公子。生死友道明。

又

良劍贈大俠。寶鏡贈美人。人生重情義。生死等灰塵。佛昔爲林鳥。報恩救枯林。哲俠列仙佛。耿耿一直心。聖哉吳季札。掛劍墓木陰。

尾生

我怪楚漢際。世競稱尾生。情死何足道。身命一毛輕。而今覺世人。雲雨反覆傾。信誓雖且且。不如烏鳴嚶。乃悟尾生節。一死成其名。雖屬兒女私。愧彼毫無誠。

彭城懷古

吾徐人體有腕力。腦乏思想。貪嗔痴重。殺業厚。感而賦此。

大彭楚漢地。錯落亂山阿。泱莽黃流接。輪蹄魯國過。千峯怪石出。歷代梟雄多。豎子寒灰朽。荒涼奈若何。

其二

沛南懷李耳。圯上憶黃公。役鬼道陵渺。延年學老彭。

乞丐興學之偉人武訓清末、山東堂邑丐也、本無姓名、後人以其興學、名之曰武訓、乃模範教訓之意、清史有傳、

堂邑有窮漢。孤漂一乞兒。傭工夜績麻。富致萬貫貲。不娶妻成家。爲人延塾師。三縣館陶臨清興學校。已仍度寒飢。師徒或怠惰。下跪陳哀詞。發願

普世界。興學風化移。乞化竟終身。逝世人天哀。奏付國史館。獨行傳稱奇。贈名曰武訓。津津樂道之。我讀武訓傳。慚汗何淋漓。有覩人面目。行肉而走尸。白戰無寸鐵。乞丐大名垂。或是佛化世。肉眼那得知。匹夫應

奮起。清風振伯夷。

關帝教之精神在晉屢謁關帝廟、久之乃悟而作此、

二人結同心。銳利斷堅金。此事自古難。沈吟乃至今。歷代爭國位。父子

兵戈尋。周公與管蔡。兄弟成商參。張耳與陳餘。刎頸何足任。摩西創新

教。手足賴亞命。孔顏佛文殊。性命印知音。必克 Abu Bekr 傾穆默。迷

信亦何深。必克與穆默、猶亞倫與摩西也、鍾期既長逝。伯牙不鼓琴。管仲鮑叔牙。窮達

如一人。角哀左伯桃。爭死古之仁。我嘗疑小說。結義稱桃園。儼成關帝

教。廟貌遍乾坤。不但各省有之、華僑商會在海外亦建之、蓋亦取其義氣也、居晉屢瞻仰。晉中關廟尤多、恍然得

至論。唐風尚氣節。忠義古道敦。山西、屢有忠義店等、他省罕見、憶昔劉關張。異姓誓弟

昆。中更百挫折。生死永無諼。雲長受吳戕。劉張憤報冤。諸葛雖心腹。不

能回誓言。國土幻夢耳。友誼終古存。我來瞻遺廟。愴然動心魂。譚生演  
仁學。惟朋友一倫。諒哉關帝教。烟火萬家村。

## 詩化觀卷十二

### 桃源友聲集卷十四

天養館主之詩。爲五十年性道科哲文史美藝之結晶。遠過其文。而其詩中尤妙者推詩化觀卷十二。羣性感人最深者爲桃源友聲集卷十四內有明慈氏新騷發願文。允足與嬾美也。



歷史觀卷六刊誤表

七頁二行 Russeel 改 Russell



A541 212 0011 8922B

民國十七年仲春初版

歷史觀詩卷六定價紙裝大洋一角一分

著者 劉仁航靈華

上海法界四門路仁吉里二十七號

出版者 天雲俠女館

發行人 李雲俠女館

校者 張明慈游韶斌

印刷者 顧作則儲皖峯

寄售處 友文印刷所

各埠各大書坊

樂天却病詩小冊價目列下

動物觀一一角六分 坤乾觀二一角七分 自然觀三一角一分 玄化觀四一角三分

夢觀五一角一分 社會觀六九分 歷史觀七一角一分 新村觀八一角四分

學海觀九二角二分 報恩觀十一角一分 師友觀十二一角一分 詩化觀十三一角二分

美藝觀十三一角二分 桃源友聲集十四二角

所有版權

822

000011